



Farskólinn

miðstöð símenntunar á Norðurlandi vestra

ÁRSSKÝRSLA 2020



Vorið 2021.
Farskólinn – miðstöð símenntunar á Norðurlandi vestra.
Bryndís Kristín Þráinsdóttir.

Ljósmynd á forsíðu:
Ljósmynd á forsíðu er tekin við útskrift af námskeiðinu „Að lesa og skrifa á íslensku“ á Hvammstanga.
Ljósmynd: Farskólinn.

Efnisyfirlit

1. Um Farskólann	5
Stofnun og stofnaðilar.....	5
Stjórn og varastjórn	6
Gildi Farskólans.....	7
Mannauður	7
2. Fjárframlög frá opinberum aðilum	9
3. Um fræðslustarfið - tölfraedi.....	11
Námskeið	11
Námsmenn.....	13
4. Nám og námskeið	17
Vottaðar námsleiðir - framhaldsfræðsla	17
Starfstengd námskeið – persónuleg færni	21
Íslenska fyrir útlendinga	22
Fjölmennt – fullorðinsfræðsla fatlaðra	23
Önnur námskeið	23
5. Náms- og starfsráðgjöf.....	25
6. Raunfærnimat	29
7. Háskólanám.....	31
8. Þróunarstyrkir 2020.....	33
9. Gæðastarf og viðurkenning.....	35
EQM+	35
Viðurkenning til að annast framhaldsfræðslu til þriggja ára	36
Starfsleyfi.....	37
10. Önnur verkefni og samstarf	39
11. Húsnæði og búnaður	41
12. Starfið framundan.....	43
13. Lokaorð	45
Fylgiskjöl	46

1. Um Farskólann

STOFNUN OG STOFNAÐILAR

Farskólinn – miðstöð símenntunar á Norðurlandi vestra var formlega stofnaður á Sauðárkróki 9. desember árið 1992 og fékk við það sína eigin skipulagsskrá. Starfsár Farskólans eru því orðin 29. Samkvæmt endurskoðaðri skipulagsskrá, sem samþykkt var af sýslumanninum á Sauðárkróki 16. apríl 2009, eru markmið Farskólans meðal annars að efla endur- og símenntun á Norðurlandi vestra, greina þarfir fyrir fræðslu og standa fyrir hvers konar námi.

Formlegir stofnaðilar að Farskólanum eru: Húnaþing vestra, Húnavatnshreppur, Blönduósbær, Sveitarfélagið Skagaströnd, Akrahreppur og Sveitarfélagið Skagafjörður. Stéttarfélagið Samstaða og Aldan stéttarfélag, Kjölur, stéttarfélag starfsmanna í almannatjónustu. Verslunarmannafélag Skagfirðinga, HSN Sauðárkróki, Fisk Seafood ehf., Fjölbrautaskóli Norðurlands vestra og Háskólinn á Hólum.

Starfssvæði Farskólans nær frá Hrutafirði í vestri og til miðs Tröllaskaga í austri. Norðurland vestra er 13.106 km² eða 12,7% af flatarmáli Íslands. Sjá mynd 1. Íbúar á Norðurlandi vestra voru um 7400 árið 2020 samkvæmt Hagstofu Íslands. Hlutfall erlendra ríkisborgara í landshlutanum var 8,5% samkvæmt frétt á vef Þjóðskrár Íslands, 21. janúar 2020.



Mynd 1. Myndin sýnir starfssvæði Farskólans

STJÓRN OG VARASTJÓRN

Samkvæmt skipulagsskrá sitja fimm aðalmenn í stjórn Farskólans og er hún kosin til tveggja ára í senn. Ný stjórn var kosin á aðalfundi Farskólans 29. maí 2019. Formaður stjórnar er Guðmundur Finnbogason frá stéttarfélaginu Samstöðu. Stjórn hefur ekki þegið laun fyrir störf sín. Sjá töflu 1.

Tafla 1. Stjórn Farskólans 2019.

Stofnun / samtök	Aðalfulltrúar	Varafulltrúar
Stéttarfélög - Samstaða	Guðmundur Finnbogason	Þórarinn Sverrisson
Fyrirtæki og stofnanir - HSN	Bryndís Lilja Hallsdóttir	Hulda Jónsdóttir
Sveitarfélög – Húnaþing vestra	Rakel Runólfsdóttir	Halldór G. Ólafsson
Fjölbrautaskóli Norðurlands vestra	Ingileif Oddsdóttir	Þorkell Þorsteinsson
Háskólinn á Hólum	Erla Björk Örnólfsdóttir	Hjördís Gísladóttir

Árið 2020 voru haldnir þrjú formlegir stjórnarfundir. Aðalfundur var haldinn mánudaginn 8. júní.



Frá aðalfundi Farskólans 2020. Frá vinstri: Guðmundur Finnbogason, formaður, Rakel Runólfsdóttir, ritari, Bryndís Lilja Hallsdóttir, Hulda Jónsdóttir, Axel Kárason, Kristján Jónasson frá KPMG, Þórarinn Sverrisson, Ingileif Oddsdóttir og Erla Björk Örnólfsdóttir. Á myndina vantar Bryndísi Þráinsdóttur, sem tók myndina.

Vorfundur Farskólans, sem var stefnumótunarfundur samkvæmt skipulagsskrá, var haldinn 25. júní að Laugarbakka í Miðfirði. Vorfundurinn var tileinkaður íslenskukennslu fyrir útlendinga og voru íslenskukennarar Farskólans kallaðir saman ásamt gestum frá Miðstöð símenntunar á Suðurnesjum. Á fundinum skiptust fundarmenn á skoðunum og lærðu hverjir af öðrum. Það kom fram mikil ánægja með fundinn.



Frá vofundi Farskólans að Laugarbakka þar sem þemað var íslenskukennsla fyrir útlendinga. Frá vinstri: Sveindís Valdimarsdóttir og Arndís Harpa Einarsdóttir frá MSS, Lee Ann Maginnis, Sara Nielsdóttir, Bryndís Þráinsdóttir, Sigrún Þórisdóttir, Magdalena Berglind Björnsdóttir, Hörður Ríkharðsson og Sandra Hilmarsdóttir. Ljósmynd Farskólinn.

GILDI FARSKÓLANS

Á vofundi Farskólans 24. júní 2019 voru gildi Farskólans ákveðin. Gildin eru: *Framsækni*, *virðing* og *sveigjanleiki*.

Framsækni: Farskólinn er framsækin miðstöð símenntunar á Norðurlandi vestra sem leggur áherslu á fagmennsku á öllum sviðum. Fagmennskan byggir meðal annars á námskrám, áætlunum og gæðaviðmiðum sem Farskólinn hefur sett sér. Farskólinn vill vera í fremstu röð þegar kemur að framförum og nýjungum.

Virðing: Í Farskólanum mætum við hverjum námsmanni þar sem hann er staddur og væntum mikils af honum. Við stuðlum að og virðum: jafnrétti, lýðræði og mannréttindi. Í Farskólanum er borin virðing fyrir starfsfólki og námsmönnum og þeim eru boðnar góðar aðstæður til vinnu og náms.

Sveigjanleiki: Farskólinn leitar leiða til að koma til móts við þarfir einstaklinga, fyrirtækja og stofnana. Farskólinn er fljótur að bregðast við aðstæðum sem koma fram í samfélaginu fyrir nám og þjálfun.

MANNAUÐUR

Árið 2020 voru starfsmenn Farskólans fimm í tæplega fimm stöðugildum. Starfsmenn voru:

- Bryndís Kristín Þráinsdóttir: Framkvæmdastjóri. Fjármál, stjórnun, verkefnastjórn.
- Gígja Símonardóttir: Símsvörun, utanumhald skráninga, Inna, reikningar.

- Halldór B. Gunnlaugsson: Verkefnastjórn; fræðsluáætlanir, háskólanám, kennsla.
- Jóhann Ingólfsson: Verkefnastjórn; íslenskunámskeið, háskólanám, tæknimál, kennsla.
- Sandra Hilmarsdóttir: Náms- og starfsráðgjöf, raunfærnimat, verkefnastjórn og kennsla.

Þrjú starfsmenn til viðbótar störfuðu fyrir Farskólann: Margrét Guðmundsdóttir, frá bókhaldsstofunni KOM sá um að færa bókhald. Þráinn Svan Gíslason og Jevgenija Zlotnikova voru verkefnaráðin. Þau sáu um að vakta kvöldnámskeið á Faxatorgi á Sauðárkróki og fylgjast með húsnæði og tæknimálum vegna Skype/Zoom útsendinga til námsveranna. Gígja Símonardóttir var í veikindaleyfi frá mars og fram í október.



Stjórn og starfsfólk Farskólans í desember 2019. Frá vinstri: Jóhann Ingólfsson, Guðmundur Finnbogason, Rakel Runólfsdóttir, Bryndís Þráinsdóttir, Þráinn Svan Gíslason, Þorkell Þorsteinsson, Bryndís Lilja Hallsdóttir, Sandra Hilmarsdóttir, Gígja Símonardóttir, Halldór B. Gunnlaugsson og Aðalheiður Reynisdóttir. Ljósmynd: Farskólinn.

Leiðbeinendur og verktakar í kennslu

Í gæðahandbók Farskólans segir: „Farskólinn leitast við að ráða leiðbeinendur sem hafa fagmenntun/sérfræðipækkingu og/eða kennsluréttindi á því sviði sem kennt er s.s. ef um réttinda- eða einingabært nám er að ræða. Ef ekki fæst leiðbeinandi með kennsluréttindi eða einstaklingur með fagmenntun til verksins er leitast við að ráða eins hæfan einstakling og mögulegt er. Í öðru námi svo sem eins og á tólmstundanámskeiðum er horft meira til sérfræðipækkingar og færni leiðbeinandans ...“.

Leiðbeinendur á námskeiðum Farskólans voru nánast allir verktakar. Þeir leiðbeinendur sem komu að kennslu námskráa FA voru nær undantekningarlaust með kennsluréttindi.

Verkefnastjórar Farskólans gerðu verktakasamninga við leiðbeinendur á stærri námskeiðum þar sem fram kom: heiti verkefnis, nafn verktaka, kennitala og bankaupplýsingar, verktakagreiðslur, vísan í gæðamál og hvernig skuli fara með greiðslur til hins opinbera.

2. Fjárframlög frá opinberum aðilum

Árið 2020 fékk Farskólinn styrk frá Mennta- og menningarmálaráðuneytinu til reksturs og til eflingar háskólanáms að upphæð 32 milljónir króna (32,5 milljónir árið 2019). MRN greiddi ekki svokallað viðbótarframlag til reksturs Farskólans árið 2020 eins og árin á undan en „einskiptisgreiðsla“ var greidd í desember vegna háskólanámsins.

Farskólinn fékk framlög úr Fræðslusjóði til að kenna vottaðar námsleiðir Fræðslumiðstöðvar atvinnulífsins og til verkefna í náms- og starfsráðgjöf og raunfærnimati. Farskólinn fékk einnig framlög frá Fjölmennt – fullorðinsfræðslu fatlaðra og Rannís, vegna íslenskukennslu fyrir útlendinga. Stofnaðilar greiddu vildargjöld til Farskólans samkvæmt ákvörðun aðalfundar 2019. Sjá töflu 2.

Tafla 2. Taflan sýnir helstu framlög og styrki til Farskólans árið 2020.

Framlag frá	Verkefni	Styrkupphæð
Mennta- og menningarmálaráðuneytið	Rekstrarstyrkur, háskólanám.	32.000.000,-
	Viðbótarframlag (frá 2016)	0,-
	„Einskiptisframlag“ vegna háskólanáms.	1.772.000,-
	Íslenska fyrir útlendinga (Rannís).	2.100.000,-
Stofnaðilar	Greitt vildargjald stofnaðila	1.505.600,-
Fræðslusjóður framlög 2020	Vottaðar námsleiðir FA, náms- og starfsráðgjöf.	19.431.000,-
Samtals:		56.808.600,-

Helstu framlög og styrkir frá árinu á undan lækkuðu um sem nemur 4,7 % eða úr 59,6 milljónum í 56,8 milljónir.

Mennta- og menningarmálaráðuneytið

Viðauki við samning milli Mennta- og menningarmálaráðuneytis og Farskólans var endurnýjaður fyrir árið 2020. Í eldri samningi sagði meðal annars í 1. grein, um markmið og starfsemi, að Farskólinn muni: „vinna að markmiðum framhaldsfræðslulaga nr. 27/2010 með því að reka miðstöð framhaldsfræðslu á Norðurlandi vestra; greina þarfir fyrir fræðslu og bjóða upp á ráðgjöf, raunfærnimat og námskeið fyrir markhópa. Farskólinn skal veita þjónustu á sviði framhaldsfræðslu og þróa hana meðal annars í samstarfi við Fræðslumiðstöð atvinnulífsins, Fræðslusjóð og aðra hlutaðeigandi aðila ... vera með fjarnáms- og kennsluaðstöðu, vegna framhaldsfræðslu og þjónustu við nemendur á háskólastigi eftir því sem þörf er á og fjárhagur leyfir ... miðað er við að minnst 66% framlags skv. samningi fari í reglubundinn rekstur

framhaldsfræðslu, sbr. 9. gr. laga um framhaldsfræðslu“ (Úr samningi við mennta og menningarmálaráðuneytið árið 2014).


Framlag frá Mennta- og menningarmálaráðuneytinu til Farskólans nam 32 milljónum króna. MRN tilkynnti einhliða með tölvupósti 7. desember 2020 að Farskólinn fengi ekki úthlutað svokölluðu viðbótarframlagi vegna ársins 2020 en það framlag fékk Farskólinn fjögur árin á undan eins og aðrar fræðslu- og símenntunarmiðstöðvar. Í tölvupóstinum segir:

„MRN hefur verið að greiða út viðbótarframlag vegna ársins 2020 á grunni þeirrar nýju reiknireglu sem hefur verið í smíðum um all langt skeið. Skv. reglunni fer ekkert að því framlagi til ykkar vegna leiðréttingar. Þið haldið þó grunnframlaginu ykkar skv. samningi, alls 32 milljónir, sem er mun hærra en aðrar símenntunarmiðstöðvar fá af fjárlagalið 02-452. Rýnt hefur verið í alla ársreikninga þeirra sem fá skerðingu og er staða sjóða og eigna alls staðar góð.

Með kveðju ...“

Samkvæmt samningnum í gegnum svokallaða Norðvesturnefnd (hina fyrri) frá árinu 2008 var gert ráð fyrir einu stöðugildi hjá Farskólanum til að sinna háskólaþjónustu á Norðurlandi vestra. Sá samningur virðist ekki vera í gildi lengur. MRN hefur boðað, að samkvæmt nýrri reiknireglu ráðuneytisins verði ekki veitt fjármagn til þjónustu við háskólana í framtíðinni eins og verið hefur. Boðað hefur verið að framlag frá ráðuneytinu til Farskólans verði í nánustu framtíð 27,1 milljónir króna. Það er lækkun upp á 15,3% af fasta framlagi fyrra árs.

Mynd 2 sýnir yfirlit yfir rekstrartölur Farskólans frá árinu 2011 til ársins 2020 og sýnir myndin breytingar á umfangi starfseminnar á tímabilinu. Nánari skýringar eru í ársreikningi fyrir 2020.



Mynd 2. Myndin sýnir rekstrartölur í þúsundum króna árin 2011 – 2020.


Rekstrarniðurstaða ársins 2020 var neikvæð um 1.732.831 kr. Skýringarnar felast meðal annars í minni umsvifum í námskeiðahaldi vegna Covid – 19 og vegna lækkunar á styrkjum

3. Um fræðslustarfið - tölfræði

NÁMSKEIÐ

Í Farskólanum er starfsárinu skipt upp í tvö tímabil; vorönn og haustönn. Þau námskeið sem ná yfir áramót eða sumarfrí teljast sem tvö námskeið og eru skilgreind sem, fyrri hluti og seinni hluti.

Árið 2020 voru haldin samanlagt 85 námskeið og fyrirlestrar af öllum stærðum og gerðum; allt frá námskeiðum sem stóðu yfir í 300 kennslustundir til námskeiða eða fyrirlestra sem stóðu yfir í rúma klukkustund. Í viðauka eru öll námskeiðin talin upp ásamt nánari upplýsingum um þau. Námskeiðum og fyrirlestrum fækkaði um 35 á milli ára eða um tæp 30%. Ástæðan er einföld eða Covid - 19. Sjá nánar á mynd 3.



Mynd 3. Myndin sýnir fjölda námskeiða og fyrirlestra á hverju ári frá 2011 – 2020.


Námskeiðsflokkar

Námskeið Farskólans 2020 voru, eins og áður, flokkuð í eftirfarandi fimm flokka:

- **Vottaðar námsleiðir FA** (framhaldsfræðsla) sem voru fjármagnaðar af Fræðslusjóði.
- Námskeið sem tengdust **störfum** fólks eða voru til að efla persónulega færni þess.
- **Íslenskunámskeið** sem styrkt voru af mennta- og menningarmálaráðuneytinu (Rannís).
- Námskeið sem styrkt voru af **Fjölmenn** og ætluð skjólstæðingum þeirra.
- **Tómstundanámskeið** (Gagn og gaman).

Farskólinn leggur mesta áherslu á að bjóða upp á þjónustu og nám fyrir markhóp framhaldsfræðslunnar, til dæmis vottaðar námsleiðir FA og nám sem tengist störfum fólks úti í


atvinnulífinu. Starfstengd námskeið og fyrirlestrar voru samtals 51 árið 2020. Sjá nánar um fjölda námskeiða í hverjum flokki á mynd 4.



Mynd 4. Myndin sýnir fjölda námskeiða/fyrirlestra eftir flokkum frá árinu 2016.

Námskeiðin haldin víða – fjarkennsla vaxandi þáttur


Flest námskeið voru haldin í sveitarfélaginu Skagafirði eða 19 námskeið (71 árið 2019). Í Húnaþingi vestra voru haldin 6 námskeið (13 árið 2019) og 5 á Blönduósi (12 árið 2019). Árið 2020 voru 41 námskeið og fyrirlestrar haldnir í gegnum Zoom. Má þar meðal annars nefna „Leikskólaliða- og stuðningsfulltrúabré“, „Nám og þjálfun í almennum bóklegum greinum“, „Skrifstofuskólann“ og fjöldann allan af starfstengdum námskeiðum. Sjá nánar á mynd 5.



Mynd 5. Myndin sýnir hvar námskeið voru haldin og fjölda námskeiða í Zoom/Teams .

Kennslu- og nemendastundir

Árið 2020 voru kennslustundir á námskeiðum og fyrirlestrum **1.511** að tölu (1.917 árið 2019). Hver kennslustund var 40 mínútur að lengd. Árið 2020 voru nemendastundir **12.901** (21.005 árið 2019). Nemendastundum fækkaði um rúmlega 38% á milli ára. Nemendastundir eru fundnar með því að margfalda saman fjölda þátttakenda og fjölda kenndra stunda á hverju námskeiði fyrir sig og leggja tölurnar síðan saman. Sjá mynd 6, sem sýnir fjölda nemendastunda.




Mynd 6. Fjöldi nemendastunda frá árinu 2011.

NÁMSMENN

Fjöldi námsmanna, kynjaskipting og aldur

Árið 2020 stunduðu **870** námsmenn nám (1.557 árið 2019) í Farskólanum. Námsmönnum fækkaði um 44% á milli ára. Fjöldi kvenna var 720 (1.027 árið 2019) og fækkaði þeim um 30% á milli ára. Fjöldi karla var 150 (530 árið 2019) og fækkaði þeim um 71% á milli ára. Sjá mynd 7.



Mynd 7. Myndin sýnir fjölda karla og kvenna á námskeiðum Farskólans frá árinu 2011 til ársins 2020.


Skýringuna á þessari miklu fækkun á fjölda námskeiða, kennslustunda og nemenda má rekja til heimsfaraldurs vegna Covid – 19.

Árið 2020 var meðalaldur námsmanna Farskólans **46 ár** (45 ár árið 2019). Flestir námsmenn voru á aldrinum 64 ára (59 ára 2019). Elsti námsmaðurinn var 76 ára (74 ára árið 2019) og sá yngsti var 16 ára (15 ára 2019).

Þegar búið er að taka tillit til þeirra sem komu oftar en einu sinni á námskeið þá voru námsmenn eða kennitölur **568** að tölu (1023 árið 2019).

Hvaðan af Norðurlandi vestra komu námsmenn?

Flestir námsmenn Farskólans komu frá Sauðárkróki eða 303 námsmenn en það eru 35% námsmanna. Frá Blönduósi komu 103 námsmenn og frá Hvammstanga komu 96 námsmenn. Sjá nánar mynd 8 sem sýnir í hvaða pósthúsum námsmenn áttu lögheimili.



Mynd 8. Myndin sýnir í hvaða pósthúsum námsmenn Farskólans áttu lögheimili árið 2020.

4. Nám og námskeið

Námsvísir og aðrar auglýsingar

Árið 2020 gaf Farskólinn út einn námsvísi og nokkra einblöðunga, þar sem námskeið voru auglýst og þjónusta skólans vandlega kynnt. Námskeið voru einnig kynnt á heimasíðu og á Facebook. Í námsvísi haustannar 2020 voru viðtöl við fjóra námsmenn: Þröst Heiðar Erlingsson, bónda, sem sótti meðal annars Matarsmiðjuna, Beint frá býli og Ragnheiði Láru Brynjólfsdóttur, leikskólakennara. Gunnhildi Dís Gunnarsdóttur sem stundaði fjarnám við Háskólann á Akureyri og nýtt sér aðstöðuna í Námsveri háskólanema á Sauðárkróki. Einnig var viðtal við Sigrúnu Þórisdóttur, íslenskukennara og einn nemanda hennar: Aishu Al Hamad. Viðtölin má lesa í heild sinni aftast í þessari ársskýrslu.



„Símenntun bænda hefur verið mjög ábótavant og bændur eru erfiður hópur til að ná saman á námskeið. En það er klárlega mikil þörf hjá þessum hópi og á mörgum sviðum. Sérhæfð tölvunámskeið (t.d. panta varahluti), framkoma og ræðumennska, andleg heilsa og svona mætti lengi telja. Þannig að mig langar að hvetja aðrar símenntunarmiðstöðvar til þess að horfa til þessa hóps eins og Farskólinn hefur verið að gera“.

Þröstur Heiðar Erlingsson, Birkihlíð, Skagafirði.

VOTTAÐAR NÁMSLEIÐIR - FRAMHALDSFRÆÐSLA

Árið 2020 námu framlög Fræðslusjóðs til að kenna vottaðar námsleiðir FA **11.960.000 kr** (13.260.000 kr árið 2019). Markmið ársins 2020 náðust hvað varðar nýtingu á fjármagni til kennslu vottaðra námsleiða og vel það.

Árið 2020 voru kenndar í Farskólanum sex vottaðar námsleiðir FA. Mennta- og menningarmálaráðuneytið hefur samþykkt að meta megi námsleiðirnar til framhaldsskólaeininga, en þó er það undir hverjum og einum framhaldsskóla komið hvort og hvernig hann metur námið inn í sinn skóla. Af þeim námsleiðum sem kenndar voru, voru **fimm** fjármagnaðar af Fræðslusjóði en **ein** var fjármögnuð af Blönduósbæ. Sjá nánar í töflu 3.

Verkefnastjórar *skrifa formlega skýrslu* um þær námskrár FA sem þeir stýra. Upplýsingar um framkvæmd námsleiðanna eru því vel aðgengilegar í Farskólanum.

Tafla 3. Taflan sýnir þær vottuðu námsleiðir FA, sem kenndar voru árið 2020.

Vottaðar námsleiðir	Hlutfall *	Hvar haldnar	Athugasemdir
Að lesa og skrifa á íslensku	50%	Hvammstangi.	Lauk í feb 2020.
Að lesa og skrifa á íslensku	50%	Blönduós.	Lauk í feb 2020. Greitt af Blönd.
Leikskólaliða- og stuðningsfulltrúabré	25%	Sauð, Blö, Hva.	Zoom. Lokið vorið 2020.
Leikskólaliða- og stuðningsfulltrúabré	25%	Sauð., Varmahl.	Zoom. Lýkur 2022.
Nám og þjálfun í alm. bókl. greinum	50%	Sauðárkrókur	Zoom eftir að Covid hófst.
Skrifstofuskólinn	100%	Sauðárkrókur.	Stað og fjar. Lauk í nóv 2020.

*Þessi dálkur sýnir hversu stór hluti námsleiðarinnar var kenndur árið 2020.

Að lesa og skrifa á íslensku

Haustið 2019 hófust tvö námskeið á Hvammstanga og Blönduósi, ætluð nýbúum frá Sýrlandi. Fyrri hluti námskeiðanna var kenndur á haustönn 2019.

Á Hvammstanga kenndi Sigrún Þórisdóttir, sérkennari og náms- og starfsráðgjafi, námskeiðið. Nemendur voru átta. Í fyrri hluta námskeiðsins var túlkur til staðar. Í skýrslu frá Sigrúnu um námskeiðið segir hún meðal annars að það hafi verið áskorun að kenna þessum hópi íslensku, sérstaklega í ljósi fyrri reynslu nemendanna og eins í ljósi þess hversu misjafnlega þeir voru staddir varðandi lestur á eigið tungumál. Allur hópurinn sýndi mikinn áhuga og lagði sig fram, bæði í kennslustundum og heima.



„Það er reynsla mín, eftir að hafa kennt íslensku um árabil, að samvinna og samhjálpa skiptir miklu máli og yfirleitt eru nemendur mjög fúsir til að vinna saman og hjálpa hverjir öðrum. Í byrjun þessa námskeiðs hvað við nokkuð annan tón. Það var nemendum hverjum og einum mikils virði að komast sem best áfram í námsefninu og standa sig vel, án tillits til hvernig hinum gengi. Ekki þarf að undrast slíkt viðhorf ef litið er til fyrri reynslu námshópsins.

Það fór því talsverð vinna í það hjá kennara með dyggri hjálpa túlks að breyta þessu viðhorfi og koma á meiri samvinnu og samhjálpa, en viðhorfið breyttist til muna“.

Sigrún Þórisdóttir, íslenskukennari á Hvammstanga.

Á Blönduósi kenndi Kristín Sigurrós Einarisdóttir, grunnskólakennari, hópi Sýrlendinga sem þar hafa sest að. Að álit Kristínar höfðu flestir nemendur náð tökum á því að skrifa frá vinstri til hægri og náð stafagerðinni. Þeir gátu lesið einföld orð og stuttar setningar á íslensku ásamt því að vera jákvæðir og námsfúsir.

Báðir kennarar lögðu á það áherslu að aðkoma túlks væri mjög mikilvæg á íslensku-námskeiðum fyrir byrjendur og sérstaklega hjá hópum eins og Sýrlendingum sem hafa ritmál

ólíkt því íslenska. Þær nefndu einnig að námsefni vantaði fyrir námskrána sem þær kenndu. Báðar eru þær reynslumiklir íslenskukennarar og hafa útbúið heilmikið námsefni sjálfar.

Leikskólaliða- og stuðningsfulltrúabré

Nýtt nám á leikskólaliða- og stuðningsfulltrúabré hófst haustið 2018 að loknu raunfærnimati. Þetta var í annað sinn sem Farskólinn skipuleggur og heldur utan um brúna. Samtals útskrifuðust 14 þátttakendur, allt konur og komu þær frá Austur - Húnavatnssýslu, Sauðárkróki og Varmahlíð. Konurnar voru á aldrinum 23 ára til 61 árs. Stuðst var við speglaða kennslu, þar sem nemendur voru búnir að hlusta á fyrirlestra heima áður en þeir mættu í kennslustundir.

Leikskólaliða- og stuðningsfulltrúabréin var samstarfsverkefni Farskólans og SÍMEY, símenntunarmiðstöðvar Eyjafjarðar. Kennt var í gegnum Skype og Zoom en nemendur komu flesta daga saman í námsveri til að taka þátt í tímum. Leiðbeinendur komu flestir frá Akureyri. Leiðbeinendur voru: Kristín Elva Viðarsdóttir, Aníta Jónsdóttir, Ingunn Vigdís Sigmarsdóttir, Ragnheiður Guðbjörnsdóttir, Valgerður Dögg Jónsdóttir, Bryndís Árnadóttir, Sigríður Ásta Hauksdóttir, Sonja Sif Jóhannsdóttir, Sandra Hilmarsdóttir og Anna Lilja Sævarsdóttir. Verkefnastjóri var Jóhann Ingólfsson.



Ljósmyndin var tekin við útskrift af leikskólaliða- og stuðningsfulltrúabré í júní 2020. Ljósmynd: Farskólinn.

Haustið 2020 hóf nýr hópur nám á leikskólaliða- og stuðningsfulltrúabré. Námskonur eru tíu og fara þær í raunfærnimat á vorönn 2021. Verkefnastjóri er Sandra Hilmarsdóttir, ráðgjafi.

Nám og þjálfun í almennum bóklegum greinum

Haustið 2020 hófst ellefta námskeiðið í Námi og þjálfun í almennum bóklegum greinum; ensku, dönsku, íslensku og stærðfræði. Námskeiðið var kennt í samvinnu við Fjölbrautaskóla Norðurlands vestra. FNV hefur metið námið inn í sinn skóla svo framarlega sem námsmenn standast kröfur þess. Margir námsmanna hafa sótt helgarnám í húsasmíði og rafiðnum hjá FNV á sama tíma. Þátttakendur taka ekki formleg próf heldur hafa þeir skilað verkefnum, bæði í kennslustundum og með skilum á heimavinnu. Í hvern námsþátt er 80% mætingaskylda og gerð er krafa um virkni í tímum.

Nemendur voru samtals 11 á haustönn 2020; 6 konur og 5 karlar. Hópurinn útskrifast vorið 2021.

Leiðbeinendur á haustönn voru: Sandra Hilmarsdóttir, ráðgjafi, sem kenndi meðal annars námstækni. Eva Óskarsdóttir, sem kenndi ensku, Gísli Árnason, sem kenndi stærðfræði og Ágúst Ingi Ágústsson, sem kenndi dönsku. Hafdís Einarsdóttir kenndi íslensku. Allir leiðbeinendur eru með kennsluréttindi. Verkefnastjóri er Jóhann Ingólfsson.

Skrifstofuskólinn

Árið 2020 var Skrifstofuskólinn haldinn í Farskólanum. Námsmenn komu úr Skagafirði og frá Skagaströnd. Á vorönn var námskeiðið flutt alfarið yfir á netið sökum heimsfaraldurs og lagði verkefnastjóri á sig mikla vinnu við að kenna hverjum og einum á nýja tækni. Á haustönn komu nemendur aftur saman undir ströngum sóttvarnareglum. Helstu námsgreinar voru: Færnimappa og ferilskrá, markmiðasetning, námstækni, þjónusta, tölvu- og upplýsingatækni, verslunarreikningur, bókhald, tölvubókhald og lokaverkefni.

Prettán nemendur hófu námið en alls útskrifuðust tíu, átta konur og tveir karlar.

Leiðbeinendur voru: Sandra Hilmarsdóttir, Hermann Jónsson, Halldór B. Gunnlaugsson, Kristján Bjarni Halldórsson, Birgir Rafnsson, Ragna Hjartardóttir, Eypór Eðvarðsson og Elísabet Gunnarsdóttir. Leiðbeinendur voru bæði sérfræðingar í faginu og einnig framhaldsskólakennarar. Verkefnastjóri var Sandra Hilmarsdóttir, ráðgjafi og skilaði hún formlegri skýrslu um verkefnið að því loknu.



Nemendur í Skrifstofuskólanum í sinni fyrstu kennslustund. Verkefnastjórinn Sandra Hilmarsdóttir til hægri. Ljósmyndir: Farskólinn og Sandra Hilmarsdóttir.

STARFSTENGD NÁMSKEIÐ – PERSÓNULEG FÆRNI

Námskeiðsröð fyrir bændur og aðra áhugasama

Árið 2020 hélt Farskólinn áfram að skipuleggja námskeið fyrir bændur á Norðurlandi vestra. Öll verklegu námskeiðin voru haldin í vottaðri Vörusmiðju BioPol á Skagaströnd. Á vorönn náðist að halda eitt námskeið áður en námskeiðahald lagðist niður vegna Covid og var það „Úrbeining á folaldi“. Haustið 2020 voru haldin tólf námskeið fyrir bændur og aðra áhugasama: Námskeiðin: „Fars-, pylsu- og bjúgnagerð“, „Hnífar og hnífabryningar“, „Hrápilsugerð“, „Pate- og kæfugerð“, „Sögun- og niðurhlutun á lambaskrokki“, „Söltun og reyking“, „Að þurrka og grafa“, „Úrbeining á folaldi“ og „Úrbeining á kind“ . Námskeiðin voru vel sótt.

The image shows four promotional cards for courses from Farskólinn.is. The cards are arranged in a 2x2 grid. Each card has a red header with the course title, a white body with text, and a small image. The first card is for 'Úrbeining á kind' (Curing a lamb) with a price of 14,900 ISK. The second card is for 'Fars-, pylsu- og bjúgnagerð' (Curing, sausage, and curing) with a price of 19,900 ISK. The third card is for 'Hnífar og hnífabryningar' (Knives and knife sharpening) with a price of 14,900 ISK. The fourth card is for 'Hrápilsugerð' (Curing of raw fish) with a price of 19,900 ISK. Each card includes a description of the course, contact information, and a small image of the product.

Skjaskot úr Námsvísi Farskólans haustið 2020 þar sem námskeið fyrir bændur voru auglýst.

Námskeiðsröðin fyrir bændur kom í kjölfar „Matarsmiðju – Beint frá býli“, sem er ein af námskrám FA og er gott dæmi um það hvernig eitt námskeið eða smiðja leiðir af sér fleiri verkefni til góðs fyrir viðkomandi markhóp. Á Norðurlandi vestra er áhugi bænda mikill fyrir því að fara á námskeið enda mikil nýsköpun í gangi á svæðinu á meðal þeirra. Verkefnastjóri var Halldór B. Gunnlaugsson.

Fræðsluáætlanir – starfstengd námskeið

Farskólinn skipulagði og hélt utan um fræðslu fyrir sveitarfélagið Skagafjörð samkvæmt fræðsluáætlun. Á vorönn 2020 voru haldin þrjú námskeið en síðan var allt námskeiðahald fellt niður að ósk sveitarfélagsins. Á haustönn voru haldin átta námskeið og fyrirlestrar. Námskeiðin tengdust bæði störfum fólks og áhugamálum. Sem dæmi um námskeið má nefna: Námskeið

um „Að setja mörk“, „Jafnréttismál“, „Skyndihjálp“ og „Nútímastjórnun“. Leiðbeinendur voru allir sérfræðingar á sínu sviði.

Fyrir starfsfólk HSN – heilbrigðisstofnun Norðurlands voru haldin nokkur námskeið. Þau helstu voru: „Á eigin skinni“, „Hádegisjóna“, „Hjúkrunarmóttaka“ og „Öldrunarsjúkdómar“. Leiðbeinendur voru sérfræðingar, hver á sínu sviði. Verkefnastjóri var Halldór Gunnlaugsson.

Hjá sveitarfélaginu Húnaþingi vestra voru haldin tvö námskeið sem féllu undir fræðsluáætlun. Námskeiðin: „Örugg tjáning“ og „Betri samskipti“. Verkefnastjóri var Jóhann Ingólfsson.

ÍSLENSKA FYRIR ÚTLENDINGA

Árið 2020 voru haldin sjö námskeið í íslensku fyrir útlendinga; á Hvammstanga, Blönduósi og Sauðárkróki. Auk þess voru haldin tvö námskeið fyrir sýrlenska flóttamenn á Hvammstanga og Blönduósi. Sýrlendingarnir sóttu einnig námskeiðið „Að lesa og skrifa á íslensku“ en sú námskrá kemur frá FA og er samtals 120 kennslustundir eins og fyrr hefur verið sagt frá. Námskeiðið á Hvammstanga var styrkt af FA þar sem hópurinn var kominn út á vinnumarkaðinn en Blönduósbær, fyrir hönd verkefnisins þar, fjármagnaði seinna námskeiðið. Það má því segja að haldin hafi verið níu íslenskunámskeið hjá Farskólanum árið 2020.

Styrkur Rannís (Mennta- og menningarmálaráðuneytið) vegna námskeiðanna sex nam 2.100.000 kr eða sem nam 350.000 kr á hvert námskeið. Markmið ársins náðust og vel það.

Í íslenskunáminu var stuðst við námsefnið: „Íslenska fyrir alla“, eftir Sólborgu Jónsdóttur og Þorbjörgu Halldórsdóttur. Auk þess studdust leiðbeinendur við eigið efni og efni af netinu. Farskólinn á orðið gott safn af ítarefni og spilum fyrir íslenskukennsluna, sem leiðbeinendur hafa góðan aðgang að.

Bæði á Blönduósi og Sauðárkróki var sérstök áhersla lögð á að ná til Pólverja sem hafa fest rætur á Norðurlandi vestra og hófu tveir hópar nám í íslensku á árinu.



Frá útskrift í íslensku fyrir útlendinga á Hvammstanga í júlí 2020. Ljósmynd: Farskólinn.

Leiðbeinendur íslenskunámskeiðanna voru: Sara Níelsdóttir, Anja Szafraniec og Kristín Einarsdóttir á Sauðárkróki, Lee Ann Maginnis, Hörður Ríkharðsson og Magdalena Berglind Björnsdóttir á Blönduósi og Sigrún Þórisdóttir á Hvammstanga. Nær allir leiðbeinendur eru með áralanga reynslu af kennslu og kennsluréttindi. Verkefnastjóri var Jóhann Ingólfsson.

FJÖLMENNT – FULLORÐINSFRÆÐSLA FATLAÐRA

Árið 2020 fékk Farskólinn vilyrði fyrir styrk upp á 2 milljónir króna frá Fjölmenn til að skipuleggja og halda utan um námskeið fyrir fólk með fötlun. Greiðslur frá Fjölmenn námu samtals **689.438 kr.** Fyrir nokkrum árum óskaði Farskólinn eftir því að fá að senda reikning fyrir kostnaði námskeiðanna í stað þess að fá greiðslur inn á reikning, sem síðar þyrfti hugsanlega að endurgreiða. Þetta fyrirkomulag hefur gengið vel. Strax í byrjun mars var ákveðið að fella öll námskeið niður. Ekkert námskeið var haldið á haustönn 2020 og var það í samráði við þá sem starfa með fötluðu fólk á svæðinu.

Þau námskeið sem voru haldin árið 2020 voru: „Lestur“, en Ingunn Sigurðardóttir, sérkennari sá um kennsluna. Atli Óskarsson, framhaldsskólakennari, kenndi „Smíðar“. Guðrún Helga Tryggvadóttir, B.A. í sálfræði sá um að kenna „Tækjaleikfimi“. Verkefnastjóri árið 2020 var Bryndís Þráinsdóttir.

ÖNNUR NÁMSKEIÐ

Námskeið í samstarfi við stéttarfélagin

Árið 2020 voru haldin 29 námskeið í samstarfi við stéttarfélagin Ölduna, Samstöðu, Kjöl, Sameyki og Verslunarmannafélag Skagafjarðar. Eftir að Covid hófst ákváðu sjóðirnir að greiða námskeiðin fyrir sína félagsmenn. Námskeiðin voru fjölbreytt að efni og vel sótt. Meðal námskeiða voru: „Matreiðslunámskeið - Austurlönd“, „Ertu jákvæður leiðtogi í lífi og starfi?“, „Gæðin úr eigin garði“ og „Hamingjan sanna“. Námskeiðin voru vel auglýst um allt Norðurland vestra. Verkefnastjóri var Halldór Gunnlaugsson.



„Það sem stendur uppúr gagnvart starfinu er frábær stuðningur og samstarf við Samtök Sveitarfélaga á Norðurlandi vestra (SSNV) og stéttarfélagin Ölduna, Samstöðu, Kjöl, Sameyki, Verslunarmannafélag Skagafjarðar og starfsmenntasjóðina, Ríkismennt, Sveitamennt, Landsmennt og Sjómennt. Í stað þess að skella í lás, eins og blasti við í mars 2020, þá héldum við 20 vefnámskeið vorið 2020 sem voru í boði fyrir alla íbúa á Norðurlandi vestra þeim að kostnaðarlausu. Þessir aðilar eru ennþá, vorið 2021, að styðja við allt námsframboð Farskólans á einhvern máta og það verður seint fullþakkað og komið til skila hversu dýrmætur þessi stuðningur og samstarf er í öllu okkar starfi og sérstaklega á þessum stórfurðulegu tímum.“

Halldór B. Gunnlaugsson, verkefnastjóri.


Vefnámskeið Covid

Eftir að heimsfaraldurinn vegna Covid – 19 skall á af fullum krafti var ljóst að fræðsluverkefnum myndi fækka verulega hjá Farskólanum. Á meðan starfsmenn lögðu höfuðið í bleyti snemma vors 2020, varðandi nýjar útfærslur fræðsluverkefna, barst bréf frá Unni Valborgu Hilmarsdóttur, framkvæmdastjóra SSNV, þar sem hún hvatti fyrirtæki og stofnanir á Norðurlandi vestra til að hugsa út fyrir boxið. Í bréfi hennar sagði meðal annars:

„ ... SSNV vill þess vegna hvetja alla þá aðila sem sinna mennta- og menningarstarfi á Norðurlandi vestra að skoða möguleika á að finna leiðir til að létta íbúum landshlutans og landsmönnum öllum lífið næstu vikurnar og hugsa út fyrir boxið í þeim efnum. Getum við breytt námskeiðum í kennslu á netinu, t.d. í matargerð eða tungumálakennslu?“

Strax var ákveðið að taka Unni á orðinu. Ákveðið var að bjóða upp á nokkur vefnámskeið og vinna skipulagsvinnuna þannig að Farskólinn tæki ekkert umsýslugjald fyrir verkefnið og myndi þannig sýna samfélagsábyrgð í verki. Ingunn Bjarnadóttir hjá SÍMEY kom fljótlega inn í verkefnið með Farskólanum. Hugmyndin var að námskeiðin yrðu ókeypis fyrir þá sem þau sóttu. Stéttarfélagin Aldan, Samstaða og Verslunarmannafélag Skagafjarðar greiddu námskeiðsgjaldið fyrir sína félagsmenn. SSNV greiddi fyrir þá sem ekki voru í fyrrgreindum félögum. Námskeiðin voru auglýst fyrir alla íbúa á svæðinu og opin öllum sem vildu. Þátttakendur þurftu að skrá sig, því ákveðið var að bjóða upp á ákveðinn fjölda sæta til að auka gæðin og bjóða upp á umræður. Eftir páska komu síðan sjóðirnir Landsmennt, Sveitamennt, Ríkismennt og Sjómennt inn í verkefnið á landsvísu. Samtals voru haldin 20 vefnámskeið. Þátttakendur voru samtals 186 á vorönninni: Vefnámskeiðin eru talin upp í viðauka árskýrslunnar.

Áður en hvert námskeið hófst fengu nemendur góða kynningu á tæknimálunum. Sjá ljósmynd.



Myndin sýnir fyrirmæli sem birtust á skjám nemenda áður en námskeið hófst.

Verkefnastjóri var Halldór B. Gunnlaugsson

5. Náms- og starfsráðgjöf

Markmið ársins 2020 í náms- og starfsráðgjöf náðust að fullu og tók ráðgjafi fleiri viðtöl en greiðslur fengust fyrir úr Fræðslusjóði. Farskólinn fékk úthlutað 3.669.000 kr (4.040.000 kr. 2019) frá Fræðslusjóði til ráðgjafarinnar auk viljrðis fyrir akstursstyrk upp á 127.000 kr en sá styrkur lækkaði frá árinu á undan. Sandra Hilmarsdóttir gegnir stöðu ráðgjafa hjá Farskólanum.

Samtals komu 279 einstaklingar (247 árið 2019) í ráðgjöf til Farskólans árið 2020. Innan markhópsins voru 238 einstaklingar eða 85%. Utan markhópsins voru 41 einstaklingur. Tegund viðtala skiptust þannig: Sjá töflu 4:

Tafla 4. Taflan sýnir tegundir viðtala árið 2020 hjá Farskólanum.

Tegundir viðtala	Fjöldi	Fjöldi innan markh.	Fjöldi utan markh.
Ráðgjafaviðtal – fyrsta viðtal	48	42	6
Ráðgjafaviðtal – viðbótarviðtal	88	79	9
Hvatningarviðtal	11	11	1
Hópráðgjöf	116	93	23
Hópráðgjöf (fleiri en 6 í hóp)	16	13	3

Helstu viðfangsefni – úr skýrslu náms- og starfsráðgjafa til FA




„Það má með sanni segja að Covid hafi sett mark sitt á störf mín og viðfangsefni. Í apríl og maí var búið að gera ráð fyrir heimsóknnum í fjölda fyrirtækja á Norðurlandi vestra og kynna ráðgjöf, raunfærnimat. Fresta þurfti því verkefni og ekki ljóst hvenær hægt verður að fara af stað aftur. Ráðgjöf færðist að mestu leyti yfir á rafrænt form og notaði ég síma, Zoom, Teams og svo náttúrulega tölvupóst til að fylgja eftir viðtölum eða koma til skila upplýsingum. Í kjölfarið á breyttum forsendum í námi, þ.e. að allt nám færðist yfir í fjarnám og kennslu í gegnum Zoom þurftu margir nemendur á stuðningi og aukinni ráðgjöf að halda. Þetta voru gríðarlega erfiðar breytingar fyrir marga og áttu sumir nemendur mjög erfitt með að aðlagast nýrri tækni og auknu sjálfstæði í námi. Sumum þótti mjög erfitt að hafa kennarann ekki á staðnum enda var staðnám og það kennslufyrirkomulag sem er í Farskólanum oft forsendan fyrir því að fólk lét verða af því að skrá sig í nám. Ég vann því mjög náið með verkefnastjórum í námsleiðum og aðstoðaði nemendur eftir fremsta megni.

Sandra Hilmarsdóttir, ráðgjafi og verkefnastjóri.

Tölfræði vegna 2020


Af þeim 279 sem komu í ráðgjöf árið 2020 voru 185 konur og 94 karlar. Konur voru því 66%. Meðalaldur ráðþega var 36 ár. Sá elsti var 64 ára og sá yngsti var 20 ára. Flestir voru á aldrinum 25 ára og miðgildi aldurs var 33 ára.

Af þeim einstaklingum sem komu í viðtöl árið 2020 voru 40 eða 14% í leit að starfi (61 árið 2019). Þeir einstaklingar sem voru í starfi voru 158 eða 56%(113 árið 2019). Sjá nánar á mynd 9.




Mynd 9. Myndin sýnir stöðu ráðþega þegar þeir komu í viðtal til ráðgjafa árið 2020.

Þegar menntun þeirra sem komu í ráðgjöf var skoðuð kom í ljós að 57 hafa einungis lokið grunnskóla eða 20,7% (47% árið 2019). Þeir sem höfðu hafið nám í framhaldsskóla en ekki lokið því voru 149 eða 53%. Sjá mynd 10.



Mynd 10. Myndin sýnir menntunarstöðu ráðþega árið 2020.

Dreifing búsetu þeirra sem komu í ráðgjöf árið 2020 var minni en árið á undan. Flestir komu frá Sauðárkróki eða 71%. Frá Hvammstanga komu 72 eða 26%. Sjá mynd 11.



Mynd 11. Myndin sýnir búsetu þeirra sem komu í ráðgjöf árið 2020.


6. Raunfærnimat

Farskólinn gerði samning við Fræðslumiðstöð atvinnulífsins um nokkur verkefni í raunfærnimati árið 2020. Samningurinn hljóðaði upp á **3.802.000 kr** (3.175.000 kr árið 2019). Við lok ársins var búið að vinna fyrir 541.500 kr og því á eftir að vinna fyrir 3.260.500 kr sem flutt verður yfir á árið 2021. Í júnílok 2021 verður ljóst hvort markmið ársins 2020 hafi náðst, þar sem Farskólinn hefur 18 mánuði til að ljúka raunfærnimatsverkefnum hvers árs. Ef markmið nást ekki endurgreiðir Farskólinn mismuninn til Fræðslusjóðs. Segja má að Covid hafi ekki hjálpað til við að vinna þessi verkefni á réttum tíma ásamt því að erfiðlega gekk að semja við matsaðila, meðal annars vegna leyfis og annarra verkefna þeirra. Sjá töflu 5.

Tafla 5. Taflan sýnir verkefni í raunfærnimati árið 2020 samkv. umsókn og fjármagn til hvers verkefnis.

Grein	Fjármagn til verkefnis
Iðngreinar í samstarfi við Iðuna	277.000 kr
Þjónustugreinar leik- og stuðningsfulltrúar	3.525.000 kr

Árið 2020 komu samtals 5 einstaklingar í raunfærnimat (26 einstaklingar árið 2019) hjá Farskólanum með þeim sem komu í raunfærnimat í samstarfi við Iðuna. Þessir einstaklingar fengu samtals metnar 480 einingar (1152 árið 2019). Sjá skiptingu á milli greina á mynd 12.



Mynd 12. Myndin sýnir fjölda einstaklinga í raunfærnimati eftir greinum.

Í raunfærnimat komu þrjár konur og tveir karlmenn og voru þau á aldrinum 25 – 39 ára. Sandra Hilmarsdóttir, sinnir náms- og starfsráðgjöf og raunfærnimati hjá Farskólanum.

7. Háskólanám

Frá árinu 2002 hefur Farskólinn veitt háskólum á Íslandi þjónustu í formi aðstöðu fyrir fjarnemendur til náms og prófatöku. Frá þeim tíma hafa verið starfrækt námsver og námsstofur á fjórum stöðum á Norðurlandi vestra. Í námsverunum hafa háskólanemar ágætis aðstöðu til að stunda nám sitt, ef þeir kjósa svo og þar geta þeir tekið sín próf. Sjá nánar í töflu 6.

Tafla 6. Taflan sýnir staðsetningu námsvera og námsstofa á Norðurlandi vestra og tengiliði.

Námsver og námsstofur á Norðurlandi vestra		
Staðir	Umsjónarmenn	Staðsetning
Hvammstangi	Vigdís Lilly Sigurjónsdóttir	Höfðabraut 6
Blönduós	Þórhalla Þórhallsdóttir Katharina Schneider	Blönduskóli Kvennaskólinn
Skagaströnd	Ólafur Bernódusson	Einbúastígur 2
Sauðárkrókur	Jóhann Ingólfsson og fl.	Við Faxatorg


Sveitarfélögin, sjá að mestu leyti um rekstur námsveranna. Á Hvammstanga og Skagaströnd eru starfsmenn í hlutastarfi hjá sveitarfélaginu. Textílmíðstöð Íslands, Þekkingarsetur á Blönduósi hefur umsjón með námsverinu á Blönduósi en það er til húsa í Kvennaskólanum. Háskólanemar fá lykla að námsverunum og hafa að þeim aðgang allan ársins hring.

Flestir háskólanemar í fjarnámi búa í Skagafirði. Árið 2020 voru tekin samtals 178 háskólapróf (443 háskólapróf árið 2019) í námsverunum. Ekki var haldin skráning yfir allar prófatökur á árinu. Sem dæmi um próf sem ekki voru skráð voru svokölluð heimapróf háskólanema sem ekki krefjast yfirsetu og fjölgaði þeim mjög á árinu vegna Covid. Háskólaprófum fækkaði um 60% frá árinu á undan. Sjá nánar um háskólaprófin í töflu 7.

Tafla 7. Taflan sýnir fjölda skráðra háskólaprófa sem tekin voru í heimabyggð árið 2020. Í svigum eru tölur frá 2019.

Heildarfjöldi háskólaprófa á Norðurlandi vestra 2020					
Háskólar	Sauðárkrókur	Blönduós	Hvammstangi	Skagaströnd	Samtals
HA	82 (196)	9 (35)	8 (26)	6 (13)	105 (270)
HÍ	23 (14)	0 (10)	4 (14)	1 (4)	28 (42)
HR	1 (5)	1 (11)	0 (5)	0	2 (21)
Bifröst	3 (17)	0 (5)	1 (9)	1	5 (31)
LBHÍ	19 (34)	3 (13)	6 (5)	2 (4)	30 (56)
Keilir	7 (14)	0 (8)	0 (1)		7 (23)
Hólar	1	0	0		1
Samtals	136 (280)	13 (82)	19 (60)	10 (21)	178 (443)

Frá miðjum apríl og fram til loka maí og frá miðjum nóvember til miðs desember ár hvert koma háskólanemar í námsverin og taka sín próf. Þeir sem ekki teljast fjarnemar þurfa samþykki frá sínum skóla til að taka prófin á heimaslóðum og greiða þeir ekkert gjald fyrir þá þjónustu. Á mynd 13 má sjá heildartölu skráðra prófa frá árinu 2016.



Mynd 13. Myndin sýnir heildarfjölda skráðra prófa frá árinu 2016.

Hjá Farskólanum hefur Jóhann Ingólfsson haft umsjón með prófatökum og er hann aðal tengiliður við háskólana vegna fjarnáms háskólanema. Miklar breytingar urðu á framkvæmd prófanna árið 2020 vegna heimaprófa. Rafrænum prófum í námsveri fjölgaði einnig mikið. Þrátt fyrir það þarf að skipuleggja yfirsetu. Ef próf eru tekin á gamla mótann; á pappír, þarf að sækja prófin inn á örugg rafræn svæði háskólanna, prenta þau út og leggja fyrir nemendur. Að loknum prófum eru úrlausnir skannaðar inn til tímabundinnar varðveislu og síðan eru þær sendar með landpósti til viðkomandi skóla.

Farskólinn starfar eftir ákveðnum reglum og vinnulagi sem fræðslu- og símenntunarmiðstöðvarnar ásamt Háskólanum á Akureyri hafa komið sér saman um, til að tryggja að framkvæmd prófanna sé eins og best verður á kosið hverju sinni.

8. Þróunarstyrkir 2020

Þróunarsjóður framhaldsfræðslunnar

Í lok ársins 2020 lauk þróunarverkefninu „Færniþróun á sviði framhaldsfræðslu“ sem Farskólinn var aðili að. Verkefnið hófst árið 2017 og átti Framvegis – miðstöð símenntunar í Reykjavík frumkvæði að verkefninu. Auk þess tók Hróbjartur Árnason, lektir við Háskóla Íslands, þátt í því. Markmið verkefnisins var að útbúa námsefni á rafrænu formi fyrir leiðbeinendur í fullorðins- og framhaldsfræðslu. Afurðir verkefnisins eru sjö mislöng myndskreið um kennslu fullorðinna námsmanna og stuðningsefni á textaformi fyrir leiðbeinendur.

Kennslumyndböndin eru:

- Í sporum nemenda þinna
- Hvað vitum við um fullorðna námsmenn
- Um það að kenna fullorðnum
- Málið að stuðla að námi
- Af hverju beitum við fjölbreyttum aðferðum við kennslu?
- Nokkrar hugmyndir um röðun, hvað þarf til og hvernig
- Um val á aðferðum.

Erasmus+

Farskólinn sótti um styrk til Rannís í flokkinn Erasmus+; nám og þjálfun, í febrúar 2020. Verkefnið kallast „Sí- og endurmenntun bænda á Íslandi“ og fékk verkefnið styrk til að heimasækja skólann Eldrimner (<https://www.eldrimner.com/>) í Svíþjóð. Eldrimner er eins konar miðstöð matarhandverks í Svíþjóð. Skólinn miðlar þekkingu og veitir þeim sem vinna við matarhandverk stuðning, meðal annars í formi fræðslu.

Í mati dómnefndar um umsóknina segir meðal annars: „Góð umsókn sem fellur vel að markmiðum Erasmus+ áætlunarinnar og fullorðinsfræðsluhluta hennar ásamt því að falla vel að markmiðum og stefnu umsækjanda. Verkefnið er einfalt og þarfnast ekki mikils skipulags, en umsóknin hefði þó mátt gera ítarlegri grein fyrir öllum þáttum, undirbúningi, framkvæmd og eftirfylgni ... Áhrif verkefnisins er líkleg til að verða talsverð og jákvæð, bæði fyrir umsækjanda og þátttakendur, en einnig víðar í gegnum kennslu og yfirfærslu á þeirri þekkingu sem er sótt. Umsóknin bætir getu og hæfni þátttakenda og umsækjanda og eykur alþjóðasamstarf á vegum fullorðinsfræðslu“.

Styrkupp hæð nam 9.320 evrum og gert var ráð fyrir að fimm einstaklingar færu í heimsókn til Eldrimner; fulltrúar Farskólans og bænda. Það er skemmt frá því að segja að í byrjun ársins 2021 hefur ekki verið farið í námsferðina vegna heimsfaraldurs Covid – 19.

Verkefnastjóri er Halldór B. Gunnlaugsson.

Þróunarsjóður framhaldsfræðslunnar

Farskólinn sótti um styrk í Þróunarsjóð vegna verkefnis sem kallast „Fjölbreyttari landbúnaður“. Styrkur að upphæð 3.300.000 kr fékkst til verkefnisins. Markmið verkefnisins er, samkvæmt umsókn: „að styðja við bændur og smáframleiðendur sem hafa vilja og þor til þess að stíga út á ótroðnar slóðir og vilja skapa sér aukin tækifæri til þess að hafa lífsviðurværi sitt af búum sínum“. Hugmyndin kemur í kjölfar Matarsmiðjunnar – Beint frá býli en bændur hafa verið duglegir að setja fram hvaða fræðslu þeir þurfa á að halda til að geta haldið áfram að þróa sig sem smáframleiðendur á Norðurlandi vestra.

Vinna við verkefnið skiptist í sjö þrep, samkvæmt umsókn. Verkefnið felur í sér: námskráskrif, kynningu á námskrá, auglýsingu, tilraunakennslu námskrárinnar, úrvinnslu verkefnis, skýrsluskrif og lokafrágang námskrár til útgáfu og vottunar.

Verkefninu á að vera lokið sumarið 2021 en ljóst er að heimsfaraldur Covid mun setja nokkurt strik í reikninginn hvað varðar tímasetningar.

Verkefnastjóri er Halldór B. Gunnlaugsson.

9. Gæðastarf og viðurkenning

EQM+

Farskólinn fékk fyrst formlega gæðavottun EQM (European Quality Mark) við lok ársins 2012 frá Fræðslumiðstöð atvinnulífsins.



Myndin sýnir viðurkenningu EQM sem veitt var 2020. Ljósmynd Farskólinn.

Fræðslumiðstöð atvinnulífsins hefur sett fram viðbót við vottunarkerkið EQM og bætt við vottun á náms- og starfsráðgjöf og raunfærnimati. Gæðavottunin heitir nú EQM+. Árið 2020 var farið í gegnum alla gæðavísu EQM+. Vinna við að endurskoða gæðahandbók hófst einnig.

Í janúar 2020 kom matsaðili til Farskólans og tók út starfsemi skólans. Helstu niðurstöður úr úttektinni voru:

- Það væri styrkur að því fyrir miðstöðina að formgera betur nokkra þætti gæðamatsins s.s. að fyrir liggi formleg umbótaáætlun og starfsþróunaráætlun til lengri og skemmri tíma.

- Það væri styrkur af því fyrir miðstöðina að ráðgjafi ljúki námi svo fullgild réttindi séu til staðar.

Í kjölfar gæðaúttektarinnar fékk Farskólinn nýja viðurkenningu frá FA til næstu þriggja ára eða til 2023.

Viðurkenning til að annast framhaldsfræðslu til þriggja ára

Menntamálastofnun veitti Farskólanum vottun sem viðurkenndur fræðsluaðili við lok vorannar 2020 til næstu þriggja ára. Nokkur gagnavinna lá til grundvallar viðurkenningunni og meðal annars þurfti að afla vottorða frá Brunvörnum á Norðurlandi vestra og Heilbrigðiseftirlitinu vegna námsveranna ásamt því að fá formlegt starfsleyfi fyrir skólann sjálfan.



Myndin sýnir viðurkenningu undirritaða af Arnóri Guðmundssyni, forstjóra MMS.

Eftirfarandi athugasemdir frá Menntamálastofnun og Leifi Eysteinsyni í Mennta- og menningarmálaráðuneytinu hafa birst áður en verða settar hér fram aftur.

Frá Menntamálastofnun:

- Umsóknin uppfyllti í öllum meginatriðum þau skilyrði sem krafist er samkvæmt lögum og reglugerðum.

- Þó er mælt til þess að skýrari ferlar varðandi ágreiningsmál, s.s. milli nemenda og starfsfólks, starfsfólks og stjórnenda og ágreining um námsmat, verði innleiddir í starfsemi skólans.
- Þá er skólanum bent á að birta upplýsingar um innra gæðamat sitt og umbótaáætlanir á heimsíðu sinni þegar því verður við komið.
- Einnig er áréttað að meðfylgjandi viðurkenning nær aðeins til þeirrar starfsemi Farskólans sem snýr að framhaldsfræðslu. Hún nær t.a.m. ekki yfir þá þætti í starfseminni sem kunna að skarast við framhaldsskólastarfsemi.

Fjárhagsumsögn (hluti) frá Leifi Eysteinessyni:

- **Könnun á því hvernig fjárhagslegri ábyrgð er háttáð.**
 - Samkvæmt ársreikningi Farskólans 2019 voru framlög/styrkir 75% tekna árið 2018 og 70% árið 2019, þannig að 25-30% gæti hafa verið aflað með því að veita þjónustu gegn endurgjaldi.
 - Samsetning tekna samkvæmt ársreikningi gefur tilefni til að kanna hvort Farskólinn ætti fremur að starfa á grundvelli laga nr. 33/1999 en á grundvelli laga nr. 19/1988.
- **Könnun á því hvernig fjárhagslegt rekstraröryggi starfseminnar verður tryggt.**
 - Fyrirliggjandi gögn benda til þess að fjárhagsstaða Farskólans sé mjög sterk, tekjugrunnur breiður, handbært fé nægt og mögulegt að bregðast við óvæntum útgjöldum eða tekjufalli. Rekstur Farskólans virðist vera nokkuð traustur.
- **Könnun á því hvernig fræðsluaðili fjármagnar starfsemi sína og hvort fjárhagslegar forsendur séu fyrir henni.**
 - Fyrirliggjandi gögn benda ekki til annars en að fjárhagslegar forsendur verði áfram fyrir starfseminni.
- **Könnun á því hvort gerð sé grein fyrir tryggingu fyrir því að nemendur geti lokið námi sínu.**
 - Sterk eiginfjár- og lausafjárstaða, breiður tekjugrunnur, styrkir til starfseminnar og vísbendingar um varfærni í rekstri eru vísbendingar um að nemendur geti verið nokkuð öruggir með að fjárhagsstaða Farskólans miðstöðvar símenntunar hafi ekki áhrif á nám þeirra

Starfsleyfi

Farskólinn sótti um formlegt starfsleyfi til Heilbrigðiseftirlits Norðurlands vestra árið 2020 og fékkst leyfið í mars sama ár og gildir til næstu 12 ára. Slíkt leyfi var ekki til staðar í Farskólanum. Sjá mynd.



Ljósmynd af starfsleyfi Farskólans til næstu 12 ára.

10. Önnur verkefni og samstarf

Persónuverndarstefna

Árið 2018 hófst vinna við að móta nýja persónuverndarstefnu fyrir Farskólann. Í lok árs 2019 var ákveðið að fara í samstarf við Símenntunarmiðstöðina á Vesturlandi og Fræðslumiðstöð Vestfjarða um verkefnið. Ný persónuverndarstefna var tekin í notkun í lok ársins 2019 og birt sem frétt á heimasíðu Farskólans í janúar 2020. Á fyrsta stjórnarfundum nýs árs var stefnan tekin til umfjöllunar og samþykkt. Bryndís Þráinsdóttir og Jóhann Ingólfsson halda utan um verkefnið fyrir hönd Farskólans.

Mennta- og menningarmálaráðuneytið

Á hverju hausti undanfarin ár hefur framkvæmdastjóri Farskólans fundað með ráðuneyti Mennta- og menningarmála um ársskýrslu og ársreikning ársins á undan. Ráðuneytið boðaði ekki til þessa fundar haustið 2020. Í apríllok 2021 hefur nýr samningur við ráðuneytið ekki verið endurnýjaður.

Fræðslumiðstöð atvinnulífsins


Fræðslumiðstöð atvinnulífsins er í eigu ASÍ, SA, BSRB, Sambands íslenskra sveitarfélaga og fjármálaráðuneytisins og er samstarfsvettvangur og verkfærasmiðja eigenda í fullorðins- og starfsmenntun á íslenskum vinnumarkaði. Helsta hlutverk FA er að veita fólki á vinnumarkaði, sem ekki hefur lokið prófi frá framhaldsskóla, tækifæri til að afla sér menntunar eða bæta stöðu sína. Sjá: <https://frae.is/um-fa/>. Á hverju ári gerir FA fyrir hönd Fræðslusjóðs samning við Farskólann um kennslu námskráa, náms- og starfsráðgjöf og raunfærnimat. Frá þessum verkefnum hefur verið greint. Auk þess fundar FA reglulega með fræðslu- og símenntunarmiðstöðvun innan Kvasis.

SSNV og FNV

Aðrir mikilvægir samstarfsaðilar eru sveitarfélög á Norðurlandi vestra og SSNV – samtök sveitarfélaga á Norðurlandi vestra, en SSNV hefur styrkt nokkur verkefni Farskólans ásamt því að bjóða fram sérfræðiaðstoð og leiðbeinendur. Einnig má nefna Fjölbrautaskóla Norðurlands vestra en hann hefur veitt Farskólanum ráðgjöf þegar kemur að kennslu almennra bóklegra greina auk þess sem nokkrir kennarar skólans kenna á námskeiðum Farskólans þegar bóklegar greinar eru kenndar.

Kvasir

Farskólinn er aðili að Kvasi - samtökum fræðslu- og símenntunarmiðstöðva á Íslandi. Samtals eru stöðvarnar ellefu að tölu og mynda þær nokkuð þétt net hringinn í kringum landið. Rauðu deplarnir á kortinu sýna hvar höfuðstöðvar miðstöðvanna eru ásamt útstöðvum eða námsverum. Sjá kort.



Myndin sýnir staðsetningu fræðslu- og símenntunarmiðstöðva innan Kvasis og útstöðvar þeirra.

Í stjórn Kvasis fyrri hluta ársins 2020 voru: Eyjólfur Sturlaugsson, frá Fræðslunetinu, símenntun á Suðurlandi, formaður, Bryndís Þráinsdóttir frá Farskólanum og Vigdís Ásmundsdóttir frá Framvegis. Á aðalfundi 12. maí 2020 komu Valgerður Guðjónsdóttir frá Visku og Sólveig Hildur Björnsdóttir inn í stjórn í stað Bryndísar og Vigdísar.

Forstöðumenn innan Kvasis funduðu reglulega á árinu með aðstoð tækninnar.



*Stjórn Kvasis 2019: Frá vinstri: Vigdís Ásmundsdóttir, Bryndís Þráinsdóttir og Eyjólfur Sturlaugsson. Myndin er tekin á Húsavík þegar Kvasisfélagar náðu að **hittast** síðast eða vorið 2019. Ljósmynd: Farskólinn.*

Heimasíða Kvasis er: www.fraedslumidstodvar.is.

Leikn

Farskólinn er aðili að Leikn en Leikn eru samtök fullorðinsfræðsluaðila (framhaldsfræðslu) á Íslandi. Í stjórn Leiknar, starfsárið 2020 – 2021, eru: Helgi Þorbjörn Svavarsson, formaður, frá SÍMEY, Eyjólfur Sturlaugsson, varaformaður, frá Fræðsluneti Suðurlands, Ingibjörg Kristinsdóttir frá Framvegis, ritari, Guðfinna Harðardóttir frá Starfsmennt og Fjóla María Lárusdóttir frá Fræðslumiðstöð atvinnulífsins. Heimasíða Leiknar er: www.leikn.is.

11. Húsnæði og búnaður

Vorið 2002 flutti Farskólinn skrifstofur sínar úr Fjölbrautaskóla Norðurlands vestra og í húsnæði í eigu sveitarfélagsins Skagafjarðar við Faxatorg á Sauðárkróki. Þar er námsver háskólanema í Skagafirði einnig til húsa.

Námsverin á Norðurlandi vestra eru ágætlega búin tækjum og húsgögnum. Þar geta fjarnemendur á háskólastigi og aðrir námsmenn fundið sér næði til að sækja kennslustundir, hlusta á fyrirlestra og taka próf.

FS net og kerfisleiga

FS netið er háhraðanet sem tengir saman alla framhaldsskóla á Íslandi og fræðslu- og símenntunarmiðstöðvar á landsbyggðinni. FS netið er í öllum námsverum og námsstofum á Norðurlandi vestra og greiða sveitarfélögin kostnað við það samkvæmt samningi. Umsýsla í kringum FS netið er komin yfir til Menntamálastofnunar. Jóhann Ingólfsson, verkefnastjóri í Farskólanum, sinnir ákveðnum verkefnum fyrir Menntamálastofnun í tengslum við FS netið.

Haustið 2015 gerði Farskólinn samning við Fjölnet ehf. á Sauðárkróki um Microsoft Office 365 skýjalausnir. Stjórnendagögn eru áfram vistuð í kerfisleigu hjá Fjölneti. Ný og uppfærð heimasíða Farskólans, www.farskolinn.is, var opnuð um mitt ár. Heimasíðan er sett upp í WordPress. Áslaug Sóllilja Gísladóttir, tölvunarfræðingur, tók að sér að setja upp síðuna og komu starfsmenn Farskólans að hönnun hennar. Heimasíðan er vistuð hjá Sensa ehf.

Inna - skráningar

Haustið 2017 tók Farskólinn skráningar- og kennslukerfið Innu í notkun. Innleiðingin gekk hægt en örugglega og það fylgdi henni mikil vinna næstu misserin. Inna var tekin í notkun að frumkvæði Fræðslumiðstöðvar atvinnulífsins. Starfsfólk Farskólans hefur setið námskeið í notkun Innu. Þjónustustjóri Farskólans, Gígja Símonardóttir, hefur umsjón með kerfinu ásamt því að sjá um alla nafnalista þeirra sem sækja námskeið í Farskólanum.

Farskólinn skráir nú öll námskeið inn í Innuna. Einnig eru framhaldsskólæiningar skráðar þangað inn. Það á við um einingar vegna „Náms og þjálfunar í almennum bóklegum greinum“ og brúarnámið svo dæmi séu tekin.

12. Starfið framundan

Starfs- og fjárhagsáætlun Farskólans fyrir árið 2021 var send til mennta- og menningarmálaráðuneytisins í byrjun mars 2021.


Framhaldsfræðsla– markmið 2021

Haustið 2020 sótti Farskólinn um til Fræðslusjóðs, að kenna nokkrar vottaðar námsleiðir árið 2021. Stjórn Fræðslusjóðs samþykkti að veita 12.033.000 kr til kennslu námsleiðanna. Sjá töflu 8.

Tafla 8. Námskrár sem áætlað var að kenna árið 2021 og tímarammi framkvæmdar.


Heiti námskrár	J	F	M	A	M	J	J	Á	S	O	N	D
Leikskólaliða- og stuðningsfulltrúabré (50%)												
Nám og þjálfun í almennum bókl. greinum 11 (70%)												
Opin smiða												
Beint frá býli – tilraunaverkefni, ný námskrá.												
Að lesa og skrifa – námskeið fyrir útlendinga												

Farskólinn fékk úthlutað 3.801.000 kr til náms- og starfsráðgjafar árið 2021. Sjá mynd 14.



Mynd 14. Myndin sýnir framlög til náms- og starfsráðgjafar í Farskólanum undanfarin fjögur ár.

Framlag til raunfærnimats árið 2021 er 3.801.000 kr. Framlagið hefur verið misjafnt milli ára eins og sjá má á mynd 15.



Mynd 15. Myndin sýnir framlag til raunfærnimats frá árinu 2014. Til athugunar: Stærsti hluti framlagsins vegna 2020 fluttur yfir á árið 2021. Sjá nánar í kaflanum um raunfærnimat.

Þau raunfærnimatsverkefni sem stefnt er að árið 2021 eru nokkur verkefni í samstarfi við löuna og raunfærnimat á móti leikskólaliða- og stuðningsfulltrúabré, raunfærnimat á móti námskrá ferðaþjónsins, á móti námskrá fyrir bændur og í almennri starfshæfni.

Framhald verður á fræðsluverkefnum hjá sveitarfélögunum Skagafirði og Húnaþingi vestra ásamt fræðsluáætlun fyrir HSN. Einnig verður haldið áfram að bjóða bændum upp á fræðslu sem tengist störfum þeirra. Áfram verður boðið upp á íslenskukennslu fyrir útlendinga, þrátt fyrir að styrkur til kennslunnar hafi klárast strax á vorönn, enda áhuginn gríðarlegur þessi misserin. Tólmstundanámskeið verða í boði í einhverjum mæli, ef eftirspurn verður eftir þeim.

Í Farskólanum er mikil áhersla lögð á sveigjanleika í starfseminni. Það er að segja ef upp koma ákveðnar aðstæður þar sem bregðast þarf skjótt og vel við, þá sé hægt að gera það. Önnur verkefni eru þá lögð tímabundið til hliðar. Gott dæmi um þetta eru vefnámskeiðin sem undirbúin voru með stuttum fyrirvara á vor- og haustönn 2020.

13. Lokaorð

Árið 2020 var á allan hátt sérstakt ár þegar kemur að starfsemi Farskólans. Hefðbundnum verkefnum fækkaði en önnur og smærri komu í staðinn. Í stað þess að kalla þátttakendur saman á einn stað þá voru fyrirlestrar haldnir í Zoom eða á öðrum samskiptamiðlum. Starfsfólk hefur þurft að takast á við breyttar aðstæður vegna heimsfaraldurs og leitað nýrra lausna; prófað sig áfram með nýja tækni og umfram allt lært heilmikið. Þegar litið er til baka er ekki hægt að segja annað en að starfsfólki Farskólans hafi tekist nokkuð vel til.

Þrátt fyrir erfitt ár halda starfsmenn ótrauðir áfram að skipuleggja nám fyrir markhóp framhaldsfræðslunnar. Starfsfólk leggur áherslu á að vinna skipulega og horfa ávalt fram í tímann og vera framsækið, ásamt því að vera viðbúið ef upp koma óvænt verkefni sem þarf að sinna.

Nemendur Farskólans hafa sýnt ótrúlega þolinmæði og seiglu. Þeir hafa lært á nýja tækni, fylgt fyrirmælum í hvívetna varðandi grímunotkun og hreinlæti. Þegar upp er staðið snýst starfsemi Farskólans um þetta frábæra fólk; fullorðið fólk sem leitar sé þekkingar og færni til að bæta sig hvort sem er í starfi eða leik.


Fyrir hönd stjórnar Farskólans, er starfsfólki, samstarfsaðilum skólans og námsmönnum, færðar þakkar fyrir gott samstarf á árinu 2020.

Sauðárkrókur í maí 2021.


Bryndís Kristín Þráinsdóttir, framkvæmdastjóri.

Fylgiskjöl


**Yfirlit yfir fjölda námsmanna, kennslustunda og nemenda-
stunda frá árinu 2011 til ársins 2020.**



Myndin sýnir fjölda þátttakenda frá árinu 2011.



Myndin sýnir fjölda kennslustunda frá árinu 2011.



Myndin sýnir fjölda nemendastunda frá árinu 2011.

Þessi skjalshifill er skilgreint af	Þetta	Samþykktur	Samþykktur	Samþykktur	Samþykktur	Samþykktur	Samþykktur
STÉTT - Ertu jákvæður leiðtogi í lífi og starfi	Vefnámskeið	14	14	1,5	21	13	1
STÉTT - Gæðin úr elgin garði	Vefnámskeið	9	9	2	18	9	
STÉTT - Hamingjan sanna	Vefnámskeið	9	9	1,5	13,5	9	
SVF - Afaliðshjálp	Skagaþjórð	5	5	1,5	7,5	4	1
SVF - Jafnréttismál	Vefnámskeið	9	9	6	54	7	2
SVF - Nútímastjórnun og yfirsýn	Vefnámskeið	7	7	4,5	31,5	6	1
SVF - Skyndihjálp - Ljósheimum	Sauðárkrók	14	14	6	84	15	1
SVF - Skyndihjálp Árskóla	Árskóli	14	14	6	84	11	3
SVF - Skyndihjálp- 12-klst Varmahliðarskóli	Varmahlið	9	9	18	162	7	3
SVF - Skyndihjálp- 4klst Varmahliðarskóli	Varmahlið	21	21	6	126	18	3
SVF - Skyndihjálp SvF	Sauðárkrók	9	9	6	54	9	
Viskinámskeið	Sauðárkrók	10	10	4	40	1	9
		407	503	769	6910	319	88

32	STÉTT - Ertu jákvæður leiðtogi í lífi og starfi	Vefnámskeið	14	14	1,5	21	13	1
33	STÉTT - Gæðin úr elgin garði	Vefnámskeið	9	9	2	18	9	
34	STÉTT - Hamingjan sanna	Vefnámskeið	9	9	1,5	13,5	9	
35	SVF - Afaliðshjálp	Skagaþjórð	5	5	1,5	7,5	4	1
36	SVF - Jafnréttismál	Vefnámskeið	9	9	6	54	7	2
37	SVF - Nútímastjórnun og yfirsýn	Vefnámskeið	7	7	4,5	31,5	6	1
38	SVF - Skyndihjálp - Ljósheimum	Sauðárkrók	14	14	6	84	15	1
39	SVF - Skyndihjálp Árskóla	Árskóli	14	14	6	84	11	3
40	SVF - Skyndihjálp- 12-klst Varmahliðarskóli	Varmahlið	9	9	18	162	7	3
41	SVF - Skyndihjálp- 4klst Varmahliðarskóli	Varmahlið	21	21	6	126	18	3
42	SVF - Skyndihjálp SvF	Sauðárkrók	9	9	6	54	9	
43	Viskinámskeið	Sauðárkrók	10	10	4	40	1	9
			407	503	769	6910	319	88

Upplýsingar um framhaldsfræðsluna sem gott er að vita

Gáttin

Gátt er ársrit um fræðslumál fullorðinna þar sem lögð er áhersla á menntun á vinnumarkaði. Í ritinu eru fræðilegar greinar, kynningar á rannsóknum og lausnum í fullorðinsfræðslu og símenntun ásamt viðtölum og frásögnum um það sem er efst á baugi hverju sinni.

Gáttin hefur verið gefin út síðan 2004 og má nálgast rafrænar útgáfur hér: <http://frae.is/utgafa/gatt-arsrit/>

Næsta skref

Á vefnum Næsta skref er hægt að nálgast upplýsingar um nám, störf, raunfærnimat og ráðgjöf. Sjá vef: <https://naestaskref.is/>

Menntamálastofnun

Á vef Menntamálastofnunar má finna ýmsar upplýsingar um framhaldsfræðslu. Sjá: <https://mms.is/framhaldsfraedsla>

Stefnuyfirlýsing um nám fullorðinna á 21. öldinni

Leikn hefur látið þýða stefnuyfirlýsingu Evrópusamtaka um fullorðinsfræðslu, EAEA, yfir á íslensku. Í henni er meðal annars lagt til að farið verði í aðgerðir til að þróa evrópskt þekkingarsamfélag og efla fullorðinsfræðslu og símenntun til að Evrópa geti tekist á við áskoranir nútímans, m.a. um samkeppnishæfi, velferð, jafnrétti og sjálfbærni.

Íslensku þýðinguna má finna hér: <http://leikn.is/frettir/stefnuyfirlýsing-um-nam-fullordinna-a-21-oldinni/>

Norrænt tengslanet um nám fullorðinna (Nordic Netværk for Voksnes Læring)

NVL er tengslanet um nám fullorðinna (www.nvl.org) og er norrænn vettvangur fullorðinsfræðslu þar sem athygli er beint að nýsköpun, miðlun og árangri. Fulltrúi Íslands er Hildur Hrönn Oddsdóttir, sérfræðingur hjá FA. Íslendingar taka þátt í fjölda undirnetum NVL.

EPALE – vefgátt fullorðinsfræðslu í Evrópu

Vefgáttin er fyrir fagaðila í fullorðinsfræðslu, hagsmunaaðila, símenntunarmiðstöðvar og stefnumótunaraðila. Sjá: <https://www.erasmusplus.is/studningur-og-gogn/stodverkefni/epale>

Nám fullorðinna.is

Vefurinn er nokkurs konar kennsluvefur um nám fullorðinna. Hróbjartur Árnason, lektor, heldur vefnum úti. Slóðin er: <https://namfullordinna.is>

Viðtöl í Námsvísi Farskólans 2020



Það fór nettur kvíðahrollur um skrokkinn ...

Matvæli og forsenda viðskipta með matvæli

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Matvæli og forsenda viðskipta með matvæli er sýning um matvæli og forsenda viðskipta með matvæli. Sýningin er haldin í Farskólans Námsvísi og er haldin í Farskólans Námsvísi. Sýningin er haldin í Farskólans Námsvísi og er haldin í Farskólans Námsvísi.

Grein eftir Bryndísi Þráinsdóttur í Gátt 2. október 2020

Þetta er grein frá 2020



MATARSMÍÐJAN – BEINT FRÁ BÝLI TEKUR FLUGIÐ

Heit og gott er ég að segja, að eitthvað líklegt væri eða námskeið hef verið gott og vel skipað! Það væri stundum líklegt að þegar við tökum um að eitthvað hæðingarkerfi hafi verið gott! Til þess kom þá að ég hefði verið í þessum mati hæðingarkerfi og ég átti ekki að fara út í þær í þessum greinir hefði verið að þessum stundum erum við Matarsmíðjan – Beint frá býli sem hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Matarsmíðjan – beint frá býli

Akri 2020 hefur verið ferðaskipulagi á Matarsmíðjan – Beint frá býli, en veitingar er ein af námskeiða hæðingarkerfi. Matarsmíðjan er veitingar og hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Þess af yfirblikum hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Undirbúningur verkefnisins

Undirbúningur verkefnisins er hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Samstarf við Vörusmíðjuna á Skagarrönd

Vörusmíðjan er hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Þessi grein er hefur verið í ferðaskipulagi sína 2018 og 2019 og veita þú fyrir hvern matar smíðjan. Við getum með vöru þessu hafa verið hæðingarkerfi sem hefur verið og þú hefur verið.

Viðtal við Halldór B. Gunnlaugsson í Bændablaðið haustið 2020

Bændur á Norðurlandi vestra duglegir að afla sér nýrrar þekkingar

Háfróður stjórnmálafræðingur

„Það er óklok þykki stjórnmálamaður að spá fyrir um framtíð matarsmiðju en þetta er líka þetta eina sem kemur á milli samt og borg. Það er líka þetta eina sem kemur á milli samt og borg. Það er líka þetta eina sem kemur á milli samt og borg. Það er líka þetta eina sem kemur á milli samt og borg.“ segir Halldór B. Gunnlaugsson, stjórnmálafræðingur og áherslufræðingur í Bændablaðið – samfélag stjórnmálafræðingur á Norðurlandi vestra.

Í þessari skýringu er þetta þetta eina sem kemur á milli samt og borg. Það er líka þetta eina sem kemur á milli samt og borg. Það er líka þetta eina sem kemur á milli samt og borg. Það er líka þetta eina sem kemur á milli samt og borg. Það er líka þetta eina sem kemur á milli samt og borg.



Fyrir þá sem vilja framleiða eigin vörur beint frá býli

Halldór segir að í byrjun árs 2018 hafði Farskólinn boðið upp á fyrarnefnda matarsmiðju en hún er nú klukkustundir að lengd og kennd eftir námskrá sem Fræðslumiðstöð atvinnuþróunar gefur út. „Þetta nám er hugsað fyrir þá sem hafa áhuga á að framleiða eigin vörur beint frá slysi býli, eða eins og segir meðal annars í námskránni: „að námsmenn óðlist innvið í helstu verkferla er sýna að einfaldr matvælaframskiptu“. Við höldum þetta fyrsta námskeið í Skagafirði og það sóttu alls 18 manns, allt Skagfirðingar. Námskeiðið tókst frábærlega, að okkar mati, og margir af þeim sem tóku þátt eru nú komnir með eigin vörur á markað og sífellt fjölgar í þeim hópi,“ segir hann.

Sams konar námskeið var haldið í Húnavatnssýslum árið 2019 og sóttu það 15 manns. Það var haldið til skiptis á Hvamnstanga, Blönduósi og Skagaströnd og tókst sömuleiðis með miklum áætum. Þátttakendur á því námskeiði eru líkt og nágrennar þeirra í Skagafirði komnir með vörur í sölu. Báðar matarsmiðjurnar voru kenndar í góðu samstarfi Farskólans, Samtaka sveitarfélaga á Norðurlandi vestra (SSNV) og Vörusmiðju BioPol á Skagaströnd.

Haldór segir að hluti matar-smíðjunnar sé verkleg kennsla og greina megi að þátttakendur hafi mest gagn og gaman af þeim hluta. Því hafi só hugmynd vaknað í kjölfar fyrri smíðjunnar að bjóða bændum upp á stök námskeið þar sem farið væri ítarlegar í það sem boðið var upp á í verklegum tímum matar-smíðjunnar. Strax haustið 2018 voru sjö námskeið í boði og sem dæmi um áhugann var námskeið í að úrbeina kind haldið fjórum einnum, til að mæta eftirspurninni.

Tölf námskeið í boði í haust og mikill áhugi frá fleirum en bændum

Sem dæmi um námskeið sem hafa verið haldin og vel sótt má nefna: að úrbeina kind og folald, hráþylaugerð, kæfu- og patégerð, fars-, pylsu- og bjúgnagerð, ostagerð og fleira. Nú, haustið 2020, eru til dæmis í boði tólf námskeið. Þar má nefna hnifabryngingar sögun og hlutan á lambskrokk, að þurrka og grafa kjöt, sóltum og reykingu og heit- og kaldreykingu á fiski, kjöti og villibráð. Í sum námskeiðin komast færi að en vilja vegna góðrar aðsóknar. Reynt er að bæta við námskeiðum ef þannig háttar til en einnig hefur fólk getað treyst á að komast á námskeiðið að ári sínu. Þetta er þriðja haustið sem þessi námskeið eru haldin og engan tílbug að finna á mönnum, en öll þessi námskeið eru haldin í samstarfi við Vörusmíðjuna á Skagaströnd.

Vindum til verka og stílum verið í höf

„Já! Þegjum mála ástæða í að standa til verka og höfum hjópað þar síðan. Við stílum líka námskeið við þátttakendur en þessum væri komandi. Að standa líka til verka“ segir Haldór og segir SÖNF hafa styrkt verkefnið veglega og þessum gert hlífðarvæðingunni að standa verið í höf.

Það er þetta þetta fandiðna vænti að all námskeiðin eru undir áherslu á 4000 en Haldór segir fjárhæð stíla af hugmyndum í einni um stíla af höfnum þáttum. Meðan hann í þriðja námskeið stílað ástæðna stílaþetta, námskeið sem stílað ástæðnaþetta og stílaþetta af þessum lagi. „Þetta námskeið sem við höfum boðið upp á hafa gengið ástæðnaþetta og stílaþetta af þessum lagi. Þetta námskeið sem við höfum boðið upp á hafa gengið ástæðnaþetta og stílaþetta af þessum lagi. Þetta námskeið sem við höfum boðið upp á hafa gengið ástæðnaþetta og stílaþetta af þessum lagi.“

Stóðum allt sem rýst getur bændum

„Stóðum allt sem rýst getur bændum“ segir Haldór og stílaþetta af þessum lagi. Þetta námskeið sem við höfum boðið upp á hafa gengið ástæðnaþetta og stílaþetta af þessum lagi. Þetta námskeið sem við höfum boðið upp á hafa gengið ástæðnaþetta og stílaþetta af þessum lagi. Þetta námskeið sem við höfum boðið upp á hafa gengið ástæðnaþetta og stílaþetta af þessum lagi.“





Ljósmyndin er tekin vorið 2020 af starfsfólki Farskólans. Frá vinstri í efri röð: Jóhann Ingólfsson, Bryndís Práinsdóttir og Halldór B. Gunnlaugsson. Neðri röð: Gígja Símonardóttir og Sandra Hilmarsdóttir.